

- (2) Zastupnik može biti isključen samo sa sjednice čiji rad ometa i obavezan je da napusti sjednicu odmah i da ne učestvuje u daljnjem radu te sjednice.
- (3) Ako predsjedavajući Komisije ocijeni da nije u stanju održavati red na sjednici, može odrediti pauzu, ali ne dužu od jednog (1) sata.
- (4) Propisi o održavanju reda na sjednici Komisije primjenjuju se i na sve ostale učesnike i goste na sjednici.

VI. JAVNOST RADA KOMISIJE

Član 17

(Javnost rada Komisije)

Rad Komisije je javan i može se uživo prenositi medijima ili o njemu izvještavati u štampi.

Član 18

(Akreditacije)

Stručna služba daje akreditacije novinarima koji žele da prate rad Komisije.

VII. ODNOS KOMISIJE PREMA ODJELJENJIMA VLADE I INSTITUCIJAMA DISTRIKTA

Član 19

(Zahtjevi Komisije prema odjeljenjima Vlade i institucijama Distrikta)

- (1) Komisija može, u okviru svoje nadležnosti, tražiti od odjeljenja Vlade i institucija Distrikta da:
 - a. prouče određeno pitanje i o tome podnesu izvještaj,
 - b. obavijeste o provođenju utvrđene politike i o izvršavanju zakona, drugih propisa i općih akata,
 - c. daju obavještenja i objašnjenja,
 - d. dostave podatke kojima raspolažu ili koje su u okviru svog djelokruga dužne prikupljati i evidentirati, kao i druge materijale potrebne za rad, ako je njihova izrada predviđena programom rada Skupštine.
- (2) Ako odjeljenja Vlade i institucije Distrikta smatraju da ne mogu izvršiti zahtjev Komisije, obavijestiti će o tome Komisiju i iznijeti razloge zbog kojih to ne mogu uraditi.

Član 20

(Neopravdano neodazivanje sjednicama Komisije)

U slučaju neopravdanog neodazivanja radi učešća u radu Komisije od strane odjeljenja Vlade ili institucija Distrikta, odnosno od rukovodioca odjeljenja ili institucije može se tražiti objašnjenje, a u slučajevima kada to Komisija odluči, može se pokrenuti postupak za utvrđivanje odgovornosti odgovornog zaposlenika odjeljenja Vlade ili institucije Distrikta.

VIII. ZAVRŠNE ODREDBE

Član 21

(Izvještavanje predsjednika Skupštine)

O usvajanju ovog poslovnika izvjestiti će se predsjednik Skupštine.

Član 22

(Stupanje na snagu i objavljivanje)

Ovaj poslovnik stupa na snagu danom usvajanja i objavit će se u Službenom glasniku Brčko distrikta BiH.

Broj: 01.18-02-184/14

Brčko, 25. februara 2014. godine

PREDSJEDAVALA KOMISIJE

Dr. Lidija Ljubojević, s.r.

117

Direktor Direkcije za finansije, na osnovu člana 12 Zakona o Direkciji za finansije Brčko distrikta Bosne i Hercegovine (Službeni glasnik Brčko distrikta BiH, broj 19/07) i člana 5 pod (b) i (c) Zakona o Trezoru (Službeni glasnik Brčko distrikta BiH, broj 3/07, 19/07 i 2/08), a u vezi sa zahtjevom broj 01-64/2014 od 29. 1. 2014. godine, JP „Putevi Brčko“ d.o.o., Brčko distrikt BiH, donosi

INSTRUKCIJU

za prijenos sredstava sa računa Vlade Brčko distrikta BiH, otvorenog kod Centralne banke BiH, broj: 000-008-0000011-61, partija 37213, prikupljenih po osnovu naknade za puteve (putarina 0,10 KM/l)

Član 1

U skladu s odredbama člana 57 Zakona o putevima Brčko distrikta BiH (Službeni glasnik Brčko distrikta BiH, brojevi 43/04, 19/07, 17/09 i 9/13), prihodi prikupljeni po osnovu naknade za puteve (putarina) koji se plaćaju na promet derivata nafte, su namijenjeni za finansiranje izgradnje, rekonstrukcije, održavanja i zaštite puteva i predstavljaju prihod Javnog preduzeća „Putevi Brčko“, d.o.o. Brčko distrikt BiH.

Član 2

Naknadu za puteve (putarina 0,10 KM/l) prikuplja Uprava za indirektno oporezivanje u BiH i pripadajući dio za Brčko distrikt BiH (od 2%), doznačava na dnevnoj osnovi na račun Vlade Brčko distrikta BiH otvoren kod Centralne banke BiH broj: 000-008-0000011-61, partija 37213.

Član 3

Za prikupljena sredstva po osnovu naknade iz člana 2 ove instrukcije, Direkcija za finansije ispostavlja nalog za prijenos sredstava u korist računa JP „Putevi Brčko“ d.o.o. Brčko distrikt BiH broj: 562-004-81132461-69 otvoren kod NLB Razvojne banke ad Banja Luka, filijala Brčko.

Član 4

Nalog za prijenos sredstava iz člana 3 ove instrukcije, Direkcija za finansije ispostavlja CBBiH na dnevnoj osnovi. Izuzetno od stava 1 ovog člana, za sredstva po osnovu naknada iz člana 2 ove instrukcije prikupljena u periodu od 1. 1. do 31. 1. 2014. godine, nalog za prijenos sredstava iz člana 3 ove instrukcije, Direkcija za finansije će ispostaviti najkasnije do 5. 2. 2014. godine.

Član 5

Ova instrukcija stupa na snagu danom donošenja i bit će objavljena u Službenom glasniku Brčko distrikta BiH.

Broj: 13.9-04.1-65 /14

Datum: 3. 2. 2014. godine

**Direktor
Direkcije za finansije
Mato Lučić, s.r.**

118

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tačke f) u vezi s članom 39 stavom 1 Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi 17/07 i 1/08), na 22. redovnoj sjednici, održanoj 13. 2. 2014. godine, donosi

PRAVILNIK

O IZMJENAMA I DOPUNAMA PRAVILNIKA O USLOVIMA I NAČINU OSTVARIVANJA PRAVA IZ OBAVEZNOG ZDRAVSTVENOG OSIGURANJA

Član 1

U članu 7 Pravilnika o uslovima i načinu ostvarivanja prava iz obaveznog zdravstvenog osiguranja, broj: 015-180/7-104/09 od 29. 10. 2009. godine (u daljnjem tekstu: Pravilnik), iza stava 3 dodaje se stav 4 koji glasi:

„(4) Obveznici uplate doprinosa za zdravstveno osiguranje iz člana 4 tačke a) Odluke o osnovici i stopi doprinosa za zdravstveno osiguranje (Službeni glasnik Brčko distrikta BiH, broj 37/09) koji prijave zaposlenika na zdravstveno osiguranje s kraćim radnim vremenom od punog radnog vremena, uplaćuju propisani doprinos za zdravstveno osiguranje na način da najniža osnovica za obračun i uplatu doprinosa za zdravstveno osiguranje je minimalna osnovica, utvrđena za puno radno vrijeme, na koju se obračunava doprinos za penzijsko-invalidsko osiguranje u skladu s propisima entiteta.“

Član 2

U članu 9 Pravilnika, iza stava 1 dodaje se stav 2 koji glasi:

„(2) U slučaju smrti nosioca poljoprivrednog osiguranja usljed čega prestaje status osiguranog lica Fonda, do okončanja sudskog postupka ostavinske rasprave, pravo na kontinuirani nastavak zdravstvenog osiguranja po osnovu korištenja poljoprivrednog zemljišta kao jedinog i osnovnog zanimanja stiče član uže porodice koji je živio u zajedničkom domaćinstvu s umrlim nosiocem zdravstvenog osiguranja.“

Član 3

Ovaj pravilnik stupa na snagu danom donošenja.

Broj: 015-180/7-104/09-1
Brčko, 13. 2. 2014. godine

**PREDSJEDNIK
UPRavnog ODBORA**
Dr. Anto Basić, s.r.

119

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tački b) i h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi 17/07 i 1/08), na 22. redovnoj sjednici, održanoj 13. 2. 2014. godine, donosi

O D L U K U

O IZMJENI I DOPUNI ODLUKE O OBIMU FINANSIRANJA TROŠKOVA BIOLOŠKE TERAPIJE ZA OBOLJELE OD REUMATOIDNOG ARTRITISA

Član 1

U Odluci o obimu finansiranja troškova biološke terapije za oboljele od reumatoidnog artritisa, broj: 015-180/7-135/12 od 27. 12. 2012. godine, u preambuli riječi: „u skladu s Finansijskim planom Fonda zdravstvenog osiguranja Brčko distrikta BiH, broj: 015-180/7-82/12 od 19. 9. 2012. godine,“ se brišu.

Član 2

Član 3 mijenja se i glasi:

„Član 3

- (1) Fond zdravstvenog osiguranja Brčko distrikta BiH, osiguranim licima iz člana 1, odobrava primjenu biološke terapije u dozi i vremenu propisanim u važećem režimu karakteristika lijeka odobrenom od Agencije za lijekove BiH i po preporuci internističkog konzilija i Komisije za ostvarivanje zdravstvene zaštite van ugovornih zdravstvenih ustanova s područja Brčko distrikta BiH i ostvarivanje drugih prava iz zdravstvenog osiguranja (Rituksimab 2x1000mg godišnje; Tocilizumab 8 mg/kg – ampula jednom mjesečno, najduže 6 mjeseci u toku godine i Adalimumab 40 mg - dva puta mjesečno, najduže šest mjeseci u toku godine).
- (2) Po završetku primjene biološke terapije iz stava 1 ovog člana, osigurano lice ostvaruje pravo na novu biološku terapiju na teret sredstava Fonda zdravstvenog osiguranja Brčko distrikta BiH, nakon isteka 24 mjeseca od završetka primjene prethodne biološke terapije.“

Član 3

Ova odluka stupa na snagu danom donošenja, primjenjuje se od 1. 1. 2014. godine i bit će objavljena u Službenom glasniku Brčko distrikta BiH.

Broj: 015-180/7-135/12-1
Brčko, 13. 2. 2014. godine

PREDSJEDNIK
Dr. Anto Basić, s.r.

120

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tački b) i h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07 i 1/08), u skladu s Finansijskim planom Fonda zdravstvenog osiguranja Brčko distrikta BiH za 2014. godinu, broj: 015-180/7-UO-118/13 od 30. 12. 2013. godine, na 22. redovnoj sjednici, održanoj 13. 2. 2014. godine, donosi

O D L U K U

O UTVRĐIVANJU BROJA ZDRAVSTVENIH USLUGA KOJE SE FINANSIRAJU IZ SREDSTAVA FONDA ZDRAVSTVENOG OSIGURANJA BRČKO DISTRIKTA BiH

Član 1

Ovom odlukom utvrđuje se broj zdravstvenih usluga (operacija katarakte, operacija koljena i operacija kuka) koji se finansira iz sredstava obaveznog zdravstvenog osiguranja, za osigurana lica Fonda zdravstvenog osiguranja Brčko distrikta BiH.

Član 2

- (1) Fond zdravstvenog osiguranja Brčko distrikta BiH će finansirati zdravstvene usluge operacije katarakte, operacije koljena i operacije kuka u obimu kako slijedi:

R. br.	NAZIV ZDRAVSTVENE USLUGE	BROJ USLUGA NA GODIŠNjem NIVOU
1.	Operacija katarakte	400
2.	Operacija koljena	50
3.	Operacija kuka	25

- (2) Fond zdravstvenog osiguranja Brčko distrikta BiH će finansirati do 34 zdravstvene usluge operacije katarakte na mjesečnom nivou, odnosno do 400 zdravstvenih usluga operacije katarakte godišnje.

Član 3

Komisija doktora za provođenje postupka ostvarivanja zdravstvene zaštite van zdravstvenih ustanova Brčko distrikta BiH, pratit će izvršenje zdravstvenih usluga iz člana 2 ove odluke.

Član 4

- (1) Ova odluka stupa na snagu danom donošenja i bit će objavljena u Službenom glasniku Brčko distrikta BiH.
- (2) Stupanjem na snagu ove odluke prestaje da važi Odluka o utvrđivanju broja zdravstvenih usluga koje se finansiraju iz sredstava Fonda zdravstvenog osiguranja, broj: 015-180/7-136/12 od godine, broj: 015-180/7-136/13-1 od 1. 8. 2013. godine i broj: 015-180/7-136/12-2 od godine.

Broj: 015-180/7-UO-11/14
Brčko, 13. 2. 2014. godine

**PREDSJEDNIK
UPRavnog ODBORA**
Dr. Anto Basić, s.r.